

júni og 1. desember frá kl. 9 árdegis til kl. 1 síðdegis, eingöngu til sölu á brauðum, kökum, mjólk, rjóma og skyri. 191  
24. nóv.

Ákvæði samþykktarinnar ná ekki til lyfjabúða. Þeim er þó óheimilt að selja, eftir lokunartíma sölubúða, nokkurn þann varning, sem ekki má selja nema samkvæmt verzlunarleyfi.

5. gr.

Þá, sem komnir eru inn í sölubúð fyrir lokunartíma, er heimilt að afgreiða eftir að lokað er.

6. gr.

Eftir lokunartíma sölubúða er óheimilt að selja í lyfjabúðum, brauðbúðum og mjólkurbúðum, á torgum eða götum eða annars staðar utan sölubúða, nema úr sjálf sölum, nokkurn þann varning, er ekki má selja án verzlunarleyfis. Heimilt er þó að selja bátum eða skipum, eftir lokunartíma, veiðarfæri, kol, olíu og matvæli, svo og bifreiðum benzín og olíu.

7. gr.

Brot gegn samþykkt þessari varða sektum frá 20—500 krónum, og renna sektirnar í hreppssjóð Sauðárkrókshrepps. Mál út af brotum á samþykkt þessari skal reka sem almenn lögglumál.

Samþykkt þessi staðfestist hér með samkvæmt lögum nr. 17 1. febrúar 1936, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

*Atvinnu- og samgöngumálaráðuneytið, 24. nóvember 1942.*

F. h. r.

E. u.

**Páll Pálmason.**

## REGLUGERÐ

192

24. nóv.

### um starfsháttu lækna ráðs.

1. gr.

Lækna ráð velur úr sínum hópi ritara og vararitarara.

Ritari heldur gerðabók lækna ráðs í heild og undirskrifar ásamt forseta erindi þau, er hann ritar í umboði ráðsins.

Lækna ráði er heimilt með samþykki ráðherra að ráða starfsmann utan ráðsins til að hafa á hendi skjalavörzlu, gerðabókaritun og önnur ritstörf fyrir ráðið.

2. gr.

Lækna ráð starfar í þrem þriggja manna deildum:

1. **Réttarmáladeild.** Hún er skipuð kennaranum í réttarlæknisfræði við háskólann, sem er formaður deildarinnar, yfirlækni geðveikrahælis ríkisins og yfirlækni handlæknisdeildar Landspítalans.
2. **Heilbrigðismáladeild.** Hún er skipuð landlækni, sem er formaður deildarinnar, kennaranum í heilbrigðisfræði við háskólann og yfirlækni lyflæknisdeildar Landspítalans.
3. **Síðamáladeild.** Hún er skipuð lækna ráðsmanni sérstaklega til þess kjörnum af lækna ráði, og er hann formaður deildarinnar, kennaranum í réttarlæknisfræði við háskólann og formanni Læknafélags Íslands.

192

24. nóv.

3. gr.

Réttarmáladeild fjallar um réttarmál, sem ber undir lækna ráð, heilbrigðismála-deild um heilbrigðismál og siðamáladeild um mál varðandi hegðun og framkomu lækna og annarra heilbrigðisstarfsmanna, sbr. 2. gr. laga nr. 14 1942.

Hver deild heldur sérstaka gerðabók.

4. gr.

Forseti lækna ráðs veitir viðtöku erindum, er lækna ráði berast, og beinir þeim í samráði við ritara til þeirrar deildar, er þau heyra undir, eða leggur þau fyrir ráðið í heild, ef það þykir eiga við.

Nú er ekki vafi á, að mál, sem lækna ráði berst, heyrir ekki undir það, eða mál er borið undir ráðið af öðrum aðila eða á annan hátt en áskilið er, sbr. 2. og 3. gr. laga nr. 14 1942, og er þá forseta, í samráði við ritara, heimilt í umboði ráðsins að vísa málinu frá. Í vafatilfellum er skylt að hafa samráð við þá deild, er helzt má ætla, að um kunní að herá, eða vísa til úrskurðar ráðsins í heild.

5. gr.

Deild lækna ráðs hagar störfum í samræmi við ákvæði laga nr. 14 1942, um lækna-ráð. Henni er heimilt að kveðja sér til aðstoðar og ráðuneytis hvern lækna ráðsmann utan deildar sem er. Ef deild æskir ráðuneytis sérfræðings utan lækna ráðs, er henni það heimilt í samráði við forseta.

Nú vikur deildarmaður sæti samkvæmt ákvæðum upphafs 5. gr. laga nr. 14 1942, eða fyrir það, að mál, sem deild fjallar um, er utan sérfræðisviðs deildarmanna, og kveðja þá deildarmenn þeir, sem eftir sitja, í samráði við forseta, lækna ráðsmann í hið auða sæti, nema ástæða þyki til að æskja þess, að til verði kvaddur sérfræðingur utan ráðsins samkvæmt ákvæðum niðurlags sömu greinar hinna tilvitnuðu laga.

Ef ágreiningur verður milli forseta og deildarmanna um það, hvort deildarmanni beri að vikja sæti, eða hvern kveðja skuli í sæti deildarmanns, sem vikið hefur sæti, eða hvort til skuli kveðja sérfræðing utan ráðsins til ráðuneytis deild, eða hvern sérfræðing, sker lækna ráð í heild úr. Lækna ráð í heild ákveður og um skipun deildar, ef allir deildarmenn hafa vikið sæti.

6. gr.

Niðurstaða réttarmáladeildar og heilbrigðismáladeildar, hvorrar um sig, um mál, er fullnaðarniðurstaða lækna ráðs, nema lækna ráðsmaður krefjist, að málið sé borið undir lækna ráð í heild.

Siðamáladeild gerir einungis tillögur til lækna ráðs um afgreiðslu mála.

7. gr.

Þegar deild lækna ráðs hefur lokið afgreiðslu máls, endursendir hún forseta máls-skjölin ásamt þríritaðri álitsgerð. Í álitsgerð skal rekja málsatvik þannig, að stutt en glögg yfirlit fái st yfir öll atriði, sem máli skipta, þegar meta skal niðurstöðu álits-gerðarinnar. Þegar mál ber ekki undir lækna ráð í heild, skal forseti gera öllum lækna-ráðsmönnum kost á því utan fundar að kynna sér skjöl málsins ásamt álitsgerð deildar.

Nú hafa máli verið gerð fullnægjandi skil samkvæmt ákvæðum þessarar reglu-gerðar, og afgreiðir þá forseti málið í umboði lækna ráðs til réttis hlutaðeiganda.

8. gr.

Forseti og ritari semja að hverju ári liðnu skýrslu til dómsmálaráðherra um starfsemi lækna ráðs og búa undir prentun yfirlit yfir þær niðurstöður ráðsins, sem

ástæða þykir til að birta almenningi. Skýrsluna og yfirlitið skal bera undir ráðið í heild. Yfirlitið skal birta í Heilbrigðisskýrslum.

192  
24. nóv.

*Í heilbrigðismálaráðuneytinu, 24. nóvember 1942.*

**Jakob Möller.**

*Gústav A. Jónasson.*

## AUGLÝSING

um breyting á gjaldskrá fyrir rafveitu Akureyrar nr. 189 29. nóvember 1940.

193  
28. nóv.

1. gr.

Á eftir II. kafla gjaldskrárinnar komi nýr kafli, svo hljóðandi viðauki:

### IV. Bráðabirgðaákvæði.

Gjöld samkvæmt D-lið gjaldskrárinnar, með undirliðum a—f, breytist með kolaverði í bænum á hverjum tíma, þannig að gjaldskrárverðið teljist jafngildi 30 króna verði á kolatonni og hækki og lækki í sama hlutfalli og útsöluverð kola hér á staðnum á hverjum tíma. Þó skal verð á kw-stund, samkvæmt þessum lið, ávallt standa á hálfum eyri eða heilum. Jafnframt falli þá niður hækkun sú, er gerð var s. l. vor á gjaldskrárlið D-I-c, úr 2,5 í 4 aura.

Raforkuverð og önnur gjöld, samkvæmt öðrum liðum gjaldskrárinnar en D 1, hækki um 1% fyrir hver 4 stig, er verðvisitalan er umfram eitt hundrað.

2. gr.

Breyting þessi öðlast gildi 1. desember 1942.

Gjaldskrárbreyting þessi staðfestist hér með samkvæmt vatnalögum, nr. 15 20. júní 1923, og birtist hér með til eftirbreytni öllum þeim, sem hlut eiga að máli.

*Atvinnu- og samgöngumálaráðuneytið, 28. nóvember 1942.*

F. h. r.

**Vigfús Einarsson.**

*Páll Pálmason.*

## REGLUGERÐ

um breyting á reglugerð nr. 122 29. desember 1931, um einkasölu á tóbaki.

194  
28. nóv.

1. gr.

9. gr. reglugerðar nr. 122 29. desember 1931, um einkasölu á tóbaki, orðist svo: Hámarksálagning á tóbaki í smásölu, miðuð við verð einkasölnunnar að viðbættum flutningskostnaði til útsöluþáðarins, skal vera:

20% á skornu og óskornu neftóbaki.

25% á öðrum tóbaksvörum.

Fyrir flutningskostnaði utan Reykjavíkur og Hafnarfjarðar má eigi reikna hærri viðbótarálagningu en 5%.